

Galea & Cruce rubicunda insignientem, & felici
Eventu Ominis coronantem, Tuæ affulgeat MA-
JESTATI: quam solerterem Rectoris Curam admi-
ramur in CAROLO, ne Navis illisa scopulis fatisce-
ret & mergeretur, in Tua Prudentia, Terræ & Ma-
ri, infido aliâs Elemento, superiori deprædicemus:
quam denique Felicitatem, post lachrymas & suspi-
ria, armorum loquetur omnis Historia incluti A-
DOLPHI, post nubila redeat & renideat in Solio Tui
Regiminis, in primis autem SERENISSIMI PARENTIS
CAROLI GUSTAVI efflorescat Magnorum
Operum Splendor æternâ memoriâ dignus in com-
pari FILIO, Hærede Paternorum Radiorum, ut,
quod Augustus de Roma gloriatus, se ex lateritia fe-
cisse marmoream, de Tuæ MAJESTATIS Directione
sera loquatur posteritas: Cui ego me, meumque
hoc Opus de Conscientia, meosque submissè & hu-
militer commendô

aeternum devotus

& Intercessor

apud DEUM,

JOHANNES ADAMUS OSIANDER, D.